

宮闈典第七十五卷

東宮部藝文五 詩

皇太子宴元圃宣猷堂有令賦詩

晉陸機

三正迭紹洪聖啟運自昔哲王先天而順羣辟崇替降及近古黃暉既渝素靈承祐乃眷斯顧祚之
宅土三后始基世武丕承協風旁駁天晷仰澄淳曜六合皇慶攸興自彼河汾奄齊七政時文惟晉
世篤其聖欽翼昊天對揚成命九區克咸謳歌以詠皇上纂隆經教弘道於化既豐在公載考俯釐
庶績仰荒大造儀刑祖宗妥綏天保篤生我后克明克秀體輝重光承規景數茂德淵冲天姿玉裕
巍爾小臣邈彼荒遐弛厥貢擔振纓承華匪願伊始惟命之嘉

皇太子賜讌詩

前人

明明隆晉茂德有赫思媚上帝配天光宅誕育皇儲儀刑在昔徽言時宣福祿來格勞謙降貴肆敬
下臣肇彼先驅翻成嘉賓

皇太子集應令

潘尼

聖朝命方岳爪牙司北鄰皇儲延篤愛設餞送達人誰應今日宴具惟廊廟臣置酒宣猷庭擊鼓靈
沼濱羽觴飛醻醻芳饌備奇珍巴渝二八奏妙舞鼓鐸振長祛生廻飄曲裾揚輕塵

皇太子社

前人

太簇協青陽履端發歲首孟月涉初旬吉日唯上酉我后邇天休設社祿遐耆

三月三日詩

王讚

招搖啟運寒暑代新亹亹不舍如彼行雲猗猗季月穆穆和春皇儲降止宴及嘉賓嘉賓伊何具惟
姻族如彼葛藟衍于樛木郁郁近侍巖巖台嶽庶寮鱗次以崇天祿如彼崑山列此琚玉巍巍天階
亦降列宿右載元首左光儲副大祚無窮天地爲壽

侍皇太子宴始平王

前人

疊疊聖嗣繼明重體樂此棠棣其甘如薺我有嘉賓以洽百禮煌煌同族藹藹王僚惟中惟外如瓊
如瑤湛湛朝雲德靡不覆元黃所綴文成綵繡政以神和樂以安奏一人有慶萬邦是祐

侍皇太子祖道楚淮南二王

前人

於明聖晉仰統天緒易以明險簡以識阻研彼羣慮俾侯授土郁郁二王祇承皇命瞻離鑒親觀禮
知盛皇儲降會延於公姓瞻彼行役並憩同林分塗殊軌靡不廻心

侍皇太子九日宴元圃詩

齊王儉

明明儲后冲默其量徘徊禮樂優游風尚微言外融幾神內王就日齊暉儀雲等望本茂條榮源澄
流潔漢稱閭平周云曾衛咨我藩華方秩前軌秋日在房鴻鴈來翔寥寥清景靄靄微霜草木搖落
幽蘭獨芳眷言淄苑尙想濠梁旣暢旨酒亦飽微猷有來斯悅無違不柔

侍宴華光殿曲水奉勅爲皇太子作

九首

謝朓

旁求邃古逖聽鴻名大寶曰位得一爲貞朱綿叶祉綠宇摛英升配同貫進讓殊聲 大橫將屬會
昌已命國步中徂宸居膺慶璽劍先傳龜玉增映宗堯有緒復禹無競 禮行郊社人神受職寶效
山川鱗羽變色元塞北靡丹徼南極浮毳駕風飛泳登陟 能官民秀利建天跗楊鶴列野營絳分
區論思帝則獻納宸樞麟趾方定鶴翼誰濡 西京鵠鵠東都濟濟秋祓濯流春禊浮醴初吉云獻
上陰方啟昔駕陽潁今帳雲陛 嘉樂舊矣芳宴在斯載留神曠有辟天儀龍精已映威仰未移葉

依黃鳥花落春池 高殿弘敞禁林稠密青磴崛起丹樓間出翠葆隨風金戈動日惆悵清管徘徊
輕佾瀨瀘入筵河淇流阼海若來往觴肴汾沂歡飫有終清光欲暮輕貂回首華組徐步 登賢
博望獻賦清漳漢貳稱敏魏兩垂芳監撫有則匕鬯無方瞻言守器永愧元良

三日侍皇太子曲水宴

梁簡文帝

震德叶靈年芳節淑濯伊臨瀨蕩心愉目驤騎晨野縱金曉陸蕙氣卷旌神飈擎轂岑偃蹇聳觀
峯嶢烟生翠幕日照綺寮銀華晨散金芝暮搖綠水動葉丹距映條顧惟菲薄徒承恩裕藝學未優
聲績不樹豈辨河書竊摛淮賦徒偶羣龍終慚並馭

九日侍皇太子樂遊苑

同前

離光麗景神英春裕副極儀天金鑠玉度監撫昭明善物宣布惠潤寃瓊澤熙垂露秋晨精曜駕動
宮闈露點金節霜沈玉璣元戈側影翠羽翻暉庭廻鶴蓋水照犀衣蘭羞薦俎竹酒澄芬千音寫鳳
百戲承雲紫燕躍武赤兔越空橫飛鳥箭半轉蛇弓

重光詩

劉孝威

重光儲后宣制義也

赫赫重光明明二聖帝作儲述禮和樂正中衢置樽高堂懸鏡其酌不窮其明逾盛德音孔昭民胥
攸詠明明二聖赫赫重光風神灑落容止汪洋瞻彼談扇載抑載揚何斯天辯如圭如璋顏閔函席
游夏升堂以卿以士惟公惟王思媚儲君顧哉樂康芄芄黍苗陰雨膏之沃沃纓冕儲王導之道之
以禮齊之以仁禮則採聖言則窮神訓于四國覃于萬民

奉和簡文帝皇太子應令

前人

太子天下本元良萬國貞周朝推上嗣漢代紀重明前星涵瑞彩淳雷揚遠聲三善傳樂正百行紀
司成九流通已辨七經咸所精博聞強子政高才陵長卿禮尊逾屈己德盛益卑情仙氣貽鍾相儒
道推桓榮延賢博望苑視膳長安城園綺隨金輅浮丘侍玉笙智囊前斂笏端士後垂纓九仙良所
重四海更誰傾班輪同策乘甲觀齊蓬瀛

同江詹事登宮城南樓

陳徐陵

元良屬上德率土被中孚漢幄朝無怠周門夕復趨桓經既受業賀拜且尊儒壯志諧風雅高文會

斗樞鏗鏘叶舞蹈照爛等瑣瑜河水懸雄伯漳川仰大巫鮑魚籩入俎釣鼈匪充廚叔譽恆詞屈防年豈濫誅

宴樂修堂應令

江總

肅城通甲觀承華啟畫堂北宮降恩賞西園度羽觴殊私奉玉裕終宴在金房庭暉連樹彩簷影接雲光仙如伊水駕樂似洞庭張彈絲命琴瑟吹竹動笙簧庸疎濫應阮衰朽恧連章

侍宴東宮應令

隋于仲文

銅樓充震位銀榜集嘉賓青宮列紺櫨紫陌結朱輪弦調寶瑟曲歌動畫梁塵金卮傾斗酒瓊筵列八珍花驚度翠羽萍散躍頰鱗承恩叨並作扣寂繞陽春

奉和同太子監守違戀

唐韓王元嘉

乾象開層構離明啟少陽上征從獻吉守器屬元良逖矣凌周誦遙哉掩漢莊地分丹鸞領途間白雲鄉好士傾南洛多才盛北場儲城虔曉夕宸愛積炎涼珠璧連霄漢萬物仰重光

追從鑾輿夕頓戲下應令

虞世南

重輪依紫極前曜奉丹霄天經戀宸辰帝命扈仙鑣乘星開鶴禁帶月下虹橋銀晝含曉色金輅轉
晨飈霧徹軒營近塵暗斗城遙蓮花分秀萼竹箭下驚潮撫已慙龍齡承恩集鳳條瑤山盛風樂抽
簡薦徒謠

奉和同皇太子監守違戀

薛元超

儲禁銅扉啟宸行玉輅遙空懷壽街吏尚隔寢門朝地首瞻龍戟空中想鳳鏞飛文映仙榜瀝思叶
神飈帝念紓蒼璧乾文煥紫香歸塘橫筆海平圃振詞條欲應重輪曲鏘洋韻九韶

奉和春日出苑曠目應令

時爲太子舍人
使在東都作

賈曾

銅龍曉闢問安廻金輅春遊博望開渭水晴光搖草樹鍾南佳氣入樓臺招賢已從商山老托乘還
徵鄴下才臣在東周獨留滯忻聞睿藻日邊來

奉和春日出苑遊應令

張說

禁林艷裔發青陽春望逍遙出畫堂雨洗亭皋千畝綠風吹梅李一園香鶴飛不去隨清管魚躍翻
來入綵航睿賞歡承天保定道文更觀日重光

古今圖書集成

上幸皇太子新院應制

盧僎

佳氣曉葱葱乾行入震宮前星迎北極少海被南風視膳銅樓下吹笙玉座中訓深家以正義舉俗爲公父子成康合君臣禹啟同仰天歌聖道猶愧乏雕蟲

觀賀皇太子冊命

殷文圭

嗣冊儲皇帝命行萬方臣妾躍歡聲鸞旛再立星辰正雉扇雙開日月明自有漢元爭翊戴不勞商皓定猷傾春宮保傳皆周召致主何憂不太平

太子西池

溫庭筠

梨花雪壓枝鶯囀柳如絲嬾逐妝成曉春融夢覺遲鬢輕全作影曬淺未成眉莫信張公子牕間斷暗期花紅蘭紫草愁草雨新晴柳占三春色鶯偷百鳥聲日長嫌筆重風暖覺衣輕薄暮香塵起

長楊落照明

皇太子頗賜存問并索唱和新詩因有陳謝

釋廣宣

望苑招延後禪屏訪道餘祇言俟文雅何意及庸虛率性多非學緣情偶自書清風聞寺響白日見

心初重道逢軒后崇儒過魏儲青宮列芳梓元圃積瓊瑤舞鼠靈容者齊竽久舍諸空懷受恩感含思幾躊躇

奉和七日應令

南唐徐鉉

今宵星漢共晶光應笑羅敷嫁侍郎斗柄易傾離恨促河流不盡後期長靜聞天籟疑鳴佩醉折荷花想艷妝誰見宣猷堂上宴一篇清韻振金鑑

又和八日應令

前人

微雲疎雨淡新秋曉夢依稀十二樓故作別離應有以擬延更漏共無由那教人世長多恨未必天仙不解愁博望苑中殘酒醒香風佳氣獨遲留

至道元年冊皇太子二首

宋史

太子出入正安

圭鬯之重允屬賢明承華肇啟上嗣騰英禮修樂舉育德開榮一人元良萬邦以寧

羣臣稱賀正安

皇儲旣建聖祚無疆鸞旌列敘雞戟分行前星有爛瑞日重光際天接聖溫文允臧

天禧三年冊皇太子一首

同前

太子出入明安

明離之象少陽之位固邦爲本體天作貳儀範堯溫禮章斯備丕宣令猷恭守宗器

乾道元年冊皇太子四首

同前

皇帝升坐乾安

宋受天命聖緒無疆惟懷永圖乃登元良涓選休辰冊書是將黼坐天臨穆穆皇皇

太子入門明安

於維皇儲玉潤金聲體震之淳重離之明冊寶具舉環佩鏘鳴守器承祧惟邦之榮

太子出門明安

樂備旣奏和聲沖融玉簡金書翔鸞戲鴻下拜登受旋於青宮儀辰作貳垂休無窮

皇帝降坐乾安

我禮備成我駕言旋降坐而蹕奏鼓淵淵國本既定保佑自天克昌厥後何千萬年

乾道七年冊皇太子四首

同前

皇帝升坐乾安

建儲以賢闢宮於東典策既備筮占既從濟濟卿士鏘鏘鼓鐘天子戾止盛哉禮容

太子入明明安

珉璫璫篆金煌煌對揚於庭是承是將星重其暉日重其光觀瞻以憚國有元良

太子出門明安

淵中象德玉裕凝姿進退周旋有肅其儀既定國本益隆慶基燕及兩宮福祿如茨

皇帝降坐乾安

儲副豫定器之公兮冊授孔時禮之隆兮天步遲遲旋九重兮壽祉萬年德無窮兮

嘉定二年冊皇太子四首

同前

皇帝升坐

於皇我宋受命于天升儲主鬯衍慶十年典冊告備庭工載虔萬乘蒞止端冕邃延

太子入門受冊寶

太極端御少陽肅祇珉簡斯鑲袞服孔宣式奏備樂迺陳盛儀下拜登受永言保之

太子受冊寶出門

明兩承曜作貳宣猷茂德金昭令譽川流豫定厥本永貽迺謀三朝致養問寢龍樓

皇帝降坐

震溶體象我儲明兮渙揚顯冊我禮成兮大駕言旋警蹕鳴兮燕祉無疆邦之榮兮

和蔡樞密孟夏旦日西府書事

王安石

宮闕初晴氣象饒寶車攢轂會東朝重輪慶自離明發內壤陰隨解澤消賜篚外庭紛錦繡燕庖中
禁續薪樵聯翩入貰知君意咫尺威顏不隔霄

東宮壽詩二首

范成大

再造炎圖撫太寧龍樓毓德會千齡三宮疊矩深邦本兩曜重光炳帝廷自古東明陪出日祇今南

極是前星鈞天歲歲家人禮長對堯階第四蓂 並世勳華照古今朱明綵服侍尊臨邦家大慶重
親養社稷元良萬國心菊露壺觴秋色正桂風殿閣月香深欲知天序無疆處銅律聲中治世音

東宮壽詩

前人

甲觀秋彌月前星早麗天君親重慶日家國中興年英武神機遠溫文德宇全摛章森典則會道極
高堅儉寶躬安履仁端性自然淵沖澄有量海闊浹無邊五學臨函丈三朝拱邃延頌聲數政久喜
色問安還銅律諧初度柔弧絕舊傳菊催重九近梅占小春先戲綵猗蘭殿宣杯玳瑁筵青宮千億
壽長對兩宮前

丙午東宮壽詩

前人

國繫丁年盛天開甲觀祥黃離增煥炳赤仗衍明昌一日三天見元辰萬國康姿神輝玉裕德業燦
金相書聖規宸藻文心儻漢章乾坤參久大日月並升常祖武瞻興慶親庭拱未央晨昏兩慈臺詩
禮一賢王道統家傳正炎圖國本強柔弧仍穀旦銅律又清商舊事蘭猗殿新涼桂子香黃花先浥
露青女緩行霜史賀星同軌農歌稼滌場與齡占夢帝多祐叶思皇磬石重山固靈源少海長三宮

同壽域歲歲頌無疆

丁未東宮壽詩

前人

有赫題期盛無疆嗣歷昌中興歸濬哲重慶啟元良兩亥開基遠三丁系統長

恭惟華祖太宗皇帝元命皆在亥今太上主上殿下元

帝咨同物瑞人十降年祥離日融雙照乾天秉少陽晨昏周內寢詩禮舜巖廊極右辰
命皆在丁居煥心前火德光與齡偕聖父德壽協虛皇銅律風占兌瑤山樂奏商賛芳鄰五位菊色麗中央侍

膳斑衣拱傳觴玉契將宸楓霜獻葉仙桂月輪香薰炷爭延祝吟牋曷讚揚形容仁與孝步障有雲

章

冬至節後賀皇太子及平陽郡王

楊萬里

長樂鐘聲遠夢驚建章星影照人行千官燈語聽殘點一夜霜寒在五更金鑰玉匙開北闕銀鞍絲
控謁東明青宮朱邸環天極五色祥雲覆帝城

賀皇太子九月四日生辰

前人

典學光陰壁不如簡編燈火卷還舒極知儲后勤稽古却是儒生嬾讀書心到帝王圖籍外手追雅

頌國風初人間未見瑤山集十倍曹丕尚有餘

壽皇太子詩三首

前人

地出雷初震天昇日更重高飛千里鶴潛躍九淵龍隆準如高帝虬鬚似太宗八荒陰賜裏戶戶是堯封重九吹花節千齡夢日時東朝分菊水南內賜茱枝禹酒無多酌堯尊更一卮三宮千萬壽剩費若干詩繼照姿天縱分陰學日勤橘中招綺夏瓜處屏伾文老別漁竿月來依鶴禁雲還將古爲鑑聊當野人芹

壽皇太子詩二首

趙彥端

日日龍樓問寢時雞人未動漏花遲前星一點朝天節只有青臺太史知子晉吹笙未是仙阿丕橫槊少全篇小吟青著梅梢句一日東風四海傳

癸巳東宮生日

林光朝

昭代璿源遠高秋寶月前神光浮蜀道瑞氣貫秦川銀榜應如舊金莖若箇邊龍樓清畫出鶴禁彩雲連妙選衣冠藪旁開道德淵重爻分九六曲禮盡三千歲閏緣長曆霜清欲上弦每看祿燕日已

古今圖書集成
入夢熊篇沉淥通三殿笙鸞共一天東明到西極作頌自年年

東宮

劉爚

鶴駕通宵入問安龍墀清曉趨朝班天顏喜見重輪月春色先回萬歲山

勸農上宮教

徐庶卿

竹馬兒童喜欲狂循良太守似龔黃倉庚百囀蠶桑啟布穀一聲梗稻香耕鑄盡陶園國化嬉遊已
徧舜民鄉文書便合登高閣爲說東郊入務忙

寧宗潛邸壽言代賦

劉宰

聖學家傳自有師更羅英俊肄經帷治功尙論唐虞際政體寧甘漢晉卑猥向梁園陪末坐敢憑堯
曆記佳期羞囊已辦詩千首準擬年年進壽卮

天德四年二月冊皇太子三首

金史

皇帝將升御座宮縣奏乾寧之曲皆用夾鍾宮

大君有爲先圖本固涓辰之吉禮成儲副文物備陳聲樂皆具人心載寧克昌福祚